

澚墅關志卷之四

督理澚墅鈔關禮部祠祭清吏司主事陳常夏鑒定

蘇州府吳縣學纂脩郡縣志廩膳生員孫珮纂輯

筦轄

關之有筦轄也權政之所及也吳爲澤國轉越支河所在皆是明景泰改元立關卽設司港譏之不免過密厥後釐定三司八港三橋及沿海四港之制其立法最善至稅課司局裁革已久存之以備稽考

明

諸司職掌

澚墅關志

卷四

一

凡府州縣稅課司局河泊所歲辦商稅魚課并引由契本等項課程已有定額其辦課衙門所辦錢鈔金銀布絹等物不動原封年終具印信文解明白分豁存留起解數目解赴所管州縣其州縣轉解於府府解布政司布政司通類委官起解於次年三月到京本部將解到金銀錢鈔布絹等物不動原封照依來文分豁明白割付該庫交出給印信長單及具手本關領勘合同部照數填寫責付原解官收執將所解物件同原領長單并勘合於內府各門照進且如銅錢布疋赴甲字庫交納鈔錠廣惠庫交納金銀絹疋承運庫交納其勘合旣於各門照進收訖就於長單後批寫日收數目用印

鈐蓋仍付原解官賚付本部告繳立案附卷備照仍令該部主事廳於原解官差批內將實收過數目批廻候進課畢日將已解并存用課數通行比對原額如有虧兌照依所虧數目具本奏聞類行各司府州縣著落辦課衙門經該官吏人等追理足備差人解赴京庫交納

會典事例

洪武二十三年**榜諭**各處稅課司局巡攔令計所辦額課日逐巡辦收於司局按季交與官攢出給印信收票不許官攢侵欺致令巡攔賠納違者治以重罪

永樂八年令內外稅課司局河泊所等衙門該收課程鈔不問

澣墅關志

卷四

二一

一十文至五十文一百文至五百文皆照舊收其買賣行使亦不許阻滯

宣德四年令各處買賣之家門攤課鈔按月於各該稅課司局交納給與由帖執照每月一次點視查考如違期不納及隱瞞不報者依律治罪

澣墅關筦轄稅課司局九處

蘇州府稅課司

在大街周太係橋北西向洪武初建職制大使一員司吏一名巡攔四名

吳縣稅課局

在閶門接官亭西吳元年建洪武十九年燬二十年重建
職制大使一員司吏一名巡攔四名

長洲縣稅課局

在葑門外馬路西洪武初建職制大使一員司吏一名巡
攔四名

常熟縣稅課局

在縣治西南琴川橋下洪武初建職制大使一員司吏一
名巡攔四名

吳江縣稅課局

先在城隍廟東洪武元年建二年移縣治東仙里橋南職

澹墅關志

卷四

三

制大使一員司吏一名巡攔四名

吳江縣同里稅課局

在縣治東十六里二十六都洪武初建職制大使一員司
吏一名巡攔四名

嘉定縣稅課局

在縣西廣平橋吳元年建洪武四年重建職制大使一員
司吏一名巡攔四名

太倉州稅課局

在海寧寺前卽元之舊吳元年重建先爲崑山州稅課局
弘治十六年建太倉州改爲太倉州稅課局子局五處一

在城內四在石浦安亭兵墟茜涇鎮上職制大使一員司
吏一名巡攔四名

崇明縣稅課局

在縣治西城東北隅洪武元年建職制大使一員司吏一
名巡攔四名

已上稅課司局九處每月將日收課鈔造報滸墅關分司年
終類奏弘治十六年奉例裁革崇明縣嘉靖十五年奉例裁
革吳江縣同里自後相繼罷革

滸墅關筦轄巡檢司三處

望亭巡檢司

滸墅關志

卷四

四

在長洲縣北五十里離關二十里舊爲驛先名御亭唐李
襲爲守以梁庾肩吾詩改稱望亭明爲巡檢司職制巡檢
一員典吏一名弓兵三十名

吳塔巡檢司

在長洲縣北齊門外十五里離關三十里舊在吳塢後移
蠡口管閭門下塘山塘并婁齊二門外職制巡檢一員典
吏一名弓兵三十名

木瀆巡檢司

在吳縣西南二十七里木瀆鎮離關六十里管閭胥盤三
門外木瀆橫塘新郭三鎮職制巡檢一員典吏一名弓兵

三十名

戶部主事王之都三司說

之都謹按三司隸本部分司差遣提督每月填報循環稽考經過船隻詳載關誌如舊惟各司弓兵四名前任主事董以本司聽用人役聽候別衙門比較不惟誤事抑且非體遂行文長吳二縣革去弓兵名色改爲快手人役本司自處工食免行僉解甚爲便益因詳考三司望亭面臨大河東通長蕩西連太湖況本地放生池港口最爲衝巨奸宄多有欺隱易生萬一把守非人光棍之包送越轉各役之盤詰索詐弊皆不免上下均之受害吳塔司舊名也今

澚墅關志

卷四

五

移蠡口亦名蠡口港東通常熟江陰南通蘇松衝雖次於望亭弊則易爲隱匿蓋望亭居本關上流往來經由耳目較近蠡口則僻設於本關之東南更易作弊察之尤不可不嚴也若木瀆東通吳門西通太湖時有浙船往來較之前二司稍稱簡僻總之嚴禁弓兵之索擾緝獲奸盜之恣橫則當責之巡檢而勸懲特加以示激勵之意則本部分司當留意焉

已上三司巡檢職掌盤詰察捕隸澚墅關分司差遣提督每月填報循環稽考經過船隻巡檢司督同典吏弓兵總甲柵夫公同驗放如無本部印信由票及不明開進港字樣與樑

頭丈尺不合者即將人船拏解赴部按律治罪

澚墅關筦轄各港

放生池港 有望亭
巡檢司

離關二十里東南通黃埭蠡口分投各州縣地方港口西

北通官河

蠡口大港 有吳塔
巡檢司

離關三十里北通常熟縣等處地方南至齊門婁門分投

各縣地方西通黃埭望亭官河

木瀆大港 有木瀆
巡檢司

離關六十里東南通吳縣分投各處港口西北通太湖小

澚墅關志

卷四

渲下埠等港

竹青塘橋港

在本關北西南通光福太湖等港東北通官河

龍華橋港

在本關東北東南通長蕩等處西北通官河

胡匠橋港

在本關東北東南通長蕩分投各處港口西北通官河

張家橋港 即趙王涇橋後重
建更名崇福橋

在本關南西通小港關後可通船隻

新塘橋港

離關二十里東南通各縣港口西北通官河

黃埭大港

離關三十里東南通蠡口分投各州縣地方港口西北通

官河

新橋港

離關二十里西北通各鄉鎮港東北通官河

射瀆橋港

離關十里西南通太湖東北通官河

楓橋鎮港

離關二十里

澚墅關志

卷四

七

板橋港

離關二十里

鳳凰橋港

離關二十五里

柏瀆大港

離關七十里東北通常熟北通江陰南通官河西通太湖

小渲等港北通官河

轉水河港

離關七十里東通常熟北通江陰西通官河西通太湖小

渲等港

小渲大港

離關八十里東北通無錫等縣官河西南通大湖宜興等

處大港

大渲大港

離關九十里東北通無錫縣西南通太湖

下埠港

離關九十里西通太湖東通官河北通烏溪南通大渲小

渲等港

烏溪港

離關一百八十里西通太湖東通官河北通宜興縣各港

澚墅關志

卷四

八

口南通下埠大渲小渲等港地濱太湖最爲險遠久經壩

斷

已上各港俱立木柵設總甲柵夫看守本關各給與印信文

簿如遇船隻進港隨即登記每五日赴司查對比較如有漏

越等弊即拏人船到關依律治罪萬曆間以各港煩密止畱

放生池蠡口木瀆竹青塘龍華橋張家橋轉水柏瀆大渲下

埠烏溪八港餘俱裁革

竹青塘龍華橋張家橋三港主事王之都舊志開載編派本鎮居民輪守

澚墅關筦轄沿海四港

吳淞港

離關三百餘里南通大海東通大洋北通北海海船南來

第一港門委官一員書辦一名每季更換上海小東門員役在此發單凡貨船收港七十里至淞江府內通屬縣該府南與浙省杭嘉湖三府接壤北通蘇州府界

戶部主事李縉徵行吳淞水營檄

崇禎四年

爲關政事照得吳淞港通商便旅其來誠久本部以地方遙遠難以稽考合行知會爲此票仰本官凡有商船進港出港卽查有無官單曾否上料如有官單方准放行如無料票明係賣放卽便嚴拿船戶并守港舖家解部重究

劉河港

離關二百餘里南通大海東與崇明縣相對隔海面百餘里北通北海海船南來第二港門委官一員書辦一名每季更換劉河所該港口有堡一座駐劄遊擊官兵十里至天妃宮又六十里至太蒼州此二處乃員役發單之所南通鹽鐵河三十六里到嘉定縣西來三十六里至崑山縣又七十里至蘇州府婁齊一帶名曰婁河

戶部主事李縉徵劉河海船定例榜

崇禎四年

爲奉劄酌定海船則例事本部遵奉劄付開劉河以便商恐船戶與舖家相通漏料特諭舖家金贊等一十四名公議則例呈部明示寫海船舖家共爲遵守不得以遠而難稽致行漏料每月二十日按簿比較定例四條開示於後

一江陰靖江太倉通州等沙船在瓜州鎮江裝載貨物契
寫蘇州交卸行至劉河港口停泊本船上料訖方許進
港赴遊擊府掛號俱納大料

一上江船湖州洞庭驪子頭等船原船原貨本關上料方
進劉河掛號蘇杭發賣俱大料

一提江瓜州江都太興丹徒鎮江江陰靖江等船裝載貨
物寫至劉河交卸蘇州等處剝船本關上納大料方許
裝載提江本船貨物

一轉海沙船在於寧波裝載閩浙貨物裝至福山港口先
納大料方僱小船剝裝小船另自納料

白茆港

離關一百五十里南係大海東與崇明縣縣後沙對過隔
大海面北通北海立夏以後小滿以前有沙船往北海通
州裝載鯊魚因北海之便多收本港部差員役印給號簿
單票亦照劉河等港事例在彼發單赴關上料三十里到
芝塘鎮又三十里至常熟縣又九十里到蘇州福山港水
淺貨船俱收本港

福山港

離關一百二十餘里南通南海東與狼山對過隔大海面
北通北海凡江南通泰二州船來一潮可到委官一員或

巡司帶管書辦一名逐季更換萬曆三十二年主事王之
都令本地居民打造剝船候海船一到分投裝載差去員
役驗船發單赴關上料立剝船艦船埠頭各一名置造梢
牌編給各該船戶執照毋論艦船剝船凡在港撐駕者計
其樑頭大小酌定料銀數目每月完料一次任從裝載往
來

戶部主事王之都奉劄續置福山港艦剝船梢牌

爲稽查奸弊以肅關政事本年二月初三日奉大堂劄付
該本部議詳港門興革緣由前事奉批本關所議港門興
革事宜誠於關政有裨依擬福山港大剝船每月定料銀

四錢五分小剝船每月定料銀二錢五分五六尺艦船每
樑頭一尺者每月定料銀一錢計尺遞增完過料銀給發
梢牌任憑裝載永爲定規奉此牌仰艦剝船戶知悉如無
梢牌在港裝者許諸人捉拏送部以憑重究仍遵照欽旨
船沒入官此船如遇裝貨經過本關者免討籌票免上料
銀驗牌徑行

已上四港設自萬曆初年部委官吏在彼處發單赴關上料
該港光棍私通賣放隱瞞樑頭甚有結黨邀接不容任客投
牙萬曆三十二年主事王之都檄行吳淞等四港凡賣放及
隱瞞樑頭者照例船沒入官犯人治罪

戶部主事王之都總論漕海湖三道圖說

之都謹按輿圖蘇松常鎮四府總爲江海一脈分爲流派各支鎮江上流地勢高埠常州漸下至新橋等處西受太湖之水蓋以無錫上下諸港與太湖通經由潞墅會於姑蘇注於松江之吳淞諸港入海其間流派不可縷悉而大要有三由鎮江丹陽奔牛常州無錫潞墅姑蘇爲漕道由鎮江孟河靖江江陰福山劉河吳淞爲海道由丹陽七里橋等處由常州三里菴等處由無錫西定橋等處俱西連太湖與嘉興湖州等處通爲湖道蓋漕河以江水爲經而南下以湖水爲緯而東下斟酌盈虛疏通脈絡地勢水勢

相稱無乾溢不均之患上流下流相接無壅滯不通之虞界畫繡錯臚列畧分天地文章莫大乎是此所爲江南之奇也夫天下之弊莫大乎不均與不通也者不均則和不通則不行不行不通者則起於入情之私人事之擾而自通也其有不均不通者則起於入情之私人事之擾而牽挽之而阻抑之也之都嘗備詢船商等如所稱大河中有假冒盤詰強梁挾詐牙儈抑勒津渡刁難衆大凌暴種種不一自大河以西之三里菴七市堰丁市堰花瀆普濟白家等橋入而爲烏溪定化蘭後沙塘後河趙庄黃渡渚渡柏瀆下埠蠡口等港又西定橋進橋入而爲馬陵爛泥

青石橋等港此皆入湖支流無官府之制擅攔放之權而太湖之中尤有不可易言者自大河以東有長蕩曠野出入新塘橋放生池柏瀆轉水河等港九月十月間鎮江下閘各船俱由孟河下江轉東河大塘自張涇橋起通大河陳市唐市由常熟崑山等處出入靖江江陰等處東與海道通此皆近海之支流乘越轉之便啟包送之門而大海之中尤有不可易言者夫流水之行地也猶支節脈理之在人身也人身支節脈理或陰陽偏勝或壅滯弗調則病不可言故爲地方水道計者勿使之不均不通而已矣則夫順利導之便察蓄洩之宜均出入之途決往來之梗俾

澚墅關志

卷四

十三

融融一脈沛然大行浩浩長波直達上國司權者與有責焉

皇清

澚墅關筦轄巡檢司三處

望亭巡檢司

在長洲縣

經制巡檢一員攢典一名弓兵十二名

吳塔巡檢司

在長洲縣蠡口

經制巡檢一員攢典一名弓兵十二名

木瀆巡檢司

在吳縣

經制巡檢一員攢典一名弓兵十二名

已上三司巡檢職專盤詰察捕照舊隸澚墅關分司差遣提督稽考經過船隻

澚墅關筦轄八港

放生池港

在長洲縣居民鮮少內通長蕩為漏越徑路

蠡口港

在長洲縣北有陽城河南北往來貨艘可潛越常熟官瀆等處

吳長常縣奉

吳長常總督撫部院

吳長常禁蠡口港白拉橫擾碑畧

康熙五十七年

吳長常縣

楊許馬為白拉橫擾民業日困等事奉蘇州府正堂梁

牌奉布政使司楊憲牌開奉巡撫都察院吳批該本府申詳常熟縣土產棉布從無稅例白拉棍徒冒巡滋擾以致店牙張元仁等屢呈妨業行據長吳常三縣會議巡查原

澚墅關志

卷四

十四

有定界婁齊內地實非應巡之所至蠡口設港係稽查澚關北來華蕩漏越非為常熟而設詳請勒石永禁緣由奉批仰布政司查明飭禁仍候督部院批示繳等因到司奉此為查小民關內貿易並無投稅之例白拉擾害村鎮殊干法紀奉批前因除經出示曉諭外仰府即便查明勒石永禁取裨摹申送嗣後常熟縣居民在於關內貿易棉布聽其往來毋許奸徒冒巡滋擾倘有仍前詐害致妨民業者即行嚴拿杖斃各宜凜遵等因到府備行仰縣奉此又奉布政司批如詳勒石永禁仍候督撫二院批示繳等因又奉本府牌奉總督部院常批如詳勒石永禁取具碑摹

報查仍候撫都院批示繳等因又奉江蘇督糧道李批仰候院司批示錄報繳各等因奉批案查先奉本府批據長吳兩縣布舖張元仁常熟縣布牙薛大宗等連名呈請刊禁以杜白拉冒巡擾害等情奉批會同確查隨經長吳常三縣會詳本府轉詳加看內開該本府覆查常熟原與郡屬連界地產棉布編民藉以資生牙舖賴以貿易向無稅例從前有等白拉冒巡擾害奉禁年久近復法弛棍徒借巡滋擾所以店牙張元仁薛大宗等因妨民業屢呈請禁行據長洲吳縣常熟三邑會查明白覆請通詳永禁職府伏查榷稅原有定例土產棉布自非應稅之物而巡查向

有定界婁齊內地實非應巡之所至查蠡口設港原爲稽察澹關北來華蕩漏越非爲常邑而設據請刊勒垂禁查無妨於關政實有裨於民生擬合據情通詳上憲俯准勒禁以垂永久俾民業得安感頌憲仁罔極等由通詳各憲奉飭前因合行勒石嚴禁爲此碑諭本郡布業店牙及該畝地方人等知悉嗣後販賣常熟土產棉布至蘇內地往來貿易各從民便毋許冒巡滋害如有棍徒仍前詐擾有妨民業者許卽扭稟赴縣以憑嚴拏解憲究處決不姑貸須至碑者

總督部堂那批將原禁常熟土產棉布白拉滋擾碑文

入誌畧

乾隆四年

長洲元和吳縣常熟昭文五縣爲碑湮害萌善政終弛籲
憲飭行入誌以安民業事奉本府牌奉署布政司孔轉奉
總督部堂那批本署司呈詳布業牙人張元仁王漢宣等
具呈常熟土布販蘇發賣路不由關向無稅例碑禁有案
近因碑湮請刊入誌一案緣由奉批旣據查明常熟所產
布疋載蘇發賣實爲滄關內地南貨南行自非應稅之物
前經碑禁該縣勘明字跡模糊請照木瀆之例載入誌乘
以垂永久如詳卽抄錄舊刻碑文并木瀆載入原誌一並
通詳核奪飭遵繳等因到司行府仰縣遵照憲批抄錄碑

滄墅關志

卷四

十六

文並木瀆載入原誌一并詳府轉請通詳飭遵等因并抄
奉司看內開本署司看得布業牙人張元仁等具呈常熟
土布販蘇發賣路不由關向無稅例碑禁有案近因碑湮
請刊入誌一案奉憲批司查案議詳等因遵行蘇府并長
元等各縣查詳去後復又飭催茲據該府詳覆前情本署
司覆查常昭出產棉布店民負販官塘至蘇向有白拉冒
巡滋擾當於康熙五十七年間查議詳奉前憲批飭勒碑
永禁在案今因碑湮而白拉棍徒仍復冒巡滋擾是以張
元仁等赴憲轅具呈奉批前因切查常熟至蘇七十餘里
所產布疋載蘇發賣實屬滄關內地南貨南行自非應稅

之物卽吳塔蠡口原爲稽察北來華蕩等處漏越非爲常
邑土產而設前雖碑禁今據長邑勘明碑石剝禎字跡模糊
據情循照木瀆之例載入誌乘以垂永久是屬妥協緣
奉批查事理相應據詳伏候憲臺鑒奪批示飭遵各因奉
此遵將前奉憲飭碑文刊載并憲飭入誌畧由一並載焉

木瀆港

在吳縣僻處西南非轉越路巡撫都御史
韓世琦馬祐禁革港差責令巡檢司稽查

巡撫都御史韓世琦禁木瀆港差示碑畧

康熙六年

江寧巡撫都察院韓爲違憲私徵妨農誤權籲天禁革勒
石事據蘇州府署印督關通判吳呈詳前事內稱奉本部
院批據木瀆鎮糧里詞稱水瀆鎮一隅鄉僻並非孔道何

澹墅關志

卷四

十七

藉冗差邇來奸宄攔截山塘炙詐經年籲憲示禁敕府勒
石等情奉批仰蘇州府嚴查報仍候示禁奉此看得木瀆
鎮鄉僻偏隅先年關部道憲設有差官以防轉漏並非稽
及土產日用等物不意邇來槩行搜查里職凜遵憲批隨
經出示嚴禁外但查舊例原無各項差役專責巡司稽報
相應責令巡司查照往例從公稽察按月取具不致漏稅
甘罪印結呈查等情詳覆前來據此除經批府革逐蠹役
其轉關貨船查照往例行令該巡檢從公稽察仍候給示
禁飭繳去後爲照木瀆地方旣屬鄉僻何得濫差合再出
示禁仿爲此示諭木瀆鎮地方官民人等知悉差役業已

革逐嗣後凡民間日用等類農船小艇聽其鄉城往來如有蠹棍再行攔截需索者許該地方人等擒赴轅門喊告以憑重處若有轉關貨船該巡司從公稽察敢有故違定行一併叅究特示

巡撫都御史馬祐禁木瀆港差示碑畧

康熙十一年

江寧巡撫都察院馬爲永革木瀆港差以杜白拉詐擾事照得木瀆一鎮原屬鄉僻唯洞庭出產蔬菜以及本地所出糟酒米布等類人城發賣民間日用常物例不抽稅又該鎮貿易客貨悉從南濠楓橋轉販已在澚關納料例不重科惟慮轉關貨船故有責成巡檢稽查之例向因地棍

鑽營差港前院韓革逐勒石永禁轉關貨船照例令巡檢稽察在案乃日久玩弛本院先經通行出示嚴禁旋據鎮民呈縣轉申前來本院復經批行藩司轉行府縣確查據稱應將木瀆港差嚴加革逐勒石永禁至轉關貨船責成巡檢稽查詳覆前來除批行該司如詳禁逐仍移該關永革外合行出示曉諭爲此仰木瀆鎮地方官民人等知悉澚關港差本院已經移行永革嗣後凡民間土產日用以及楓濠轉販煤豆等類農庄小艇聽其鄉城往來貿易不許征稅如有蠹棍白拉攔截需索許被害人等協同地方擒解究治若有轉關船隻仍責該巡司稽察申解該關如

有故違定行叅拏治罪須至示者

柏瀆港

在無錫縣

轉水河港

在無錫縣通常熟等處例應稽查惟三里橋高橋內有堰橋青陽石撞璜塘四處在轉水港北北貨

北卸從不起稅歷經總督郎廷佐巡撫馬祐守道安世鼎劉鼎主事陳常夏勒石永禁

無錫縣奉總督都御史郎廷佐禁白拉越詐示碑畧

順治

年十八

無錫縣陳為假稅飛嚼事奉署常鎮兵備道事常州府正堂趙奉前任巡按御史馬為蠹害水陸並行越詐商民事又蒙督關戶部郭為積蠹瞞官飛斂事又蒙督關戶部李為申飭關政以杜詐冒事又奉總督部院郎批該本道呈

澣墅關志

卷四

十九

詳禁止白拉越詐私稅緣由奉批該道勒石嚴禁嗣後如有此等該地方拏解重治以杜民害可也奉此案照先奉本部院郎批據薛符楚范君元等呈詞前事奉批仰常鎮道查明速報奉此隨行常防官查究去後續據廳詳前來該本道覆看得江陰之青陽石撞堰橋璜塘四鎮距關二百餘里而關以北誠恐漏稅復設紅船於轉水柏瀆二處以譏之立法亦既周密矣乃有棍徒窺青陽石撞堰橋璜塘等處係產布之鄉有常州一帶花米荳麥前來貿易即指漏稅詐害商民是以前蒙按憲之訪拏後有關政之碑禁近准督關戶部李頒發各鎮告示內開米麥花荳等貨

不經轉水港者聽其往來自便本部亦從未差人巡緝如有仍前假冒關役騷擾卽係白拉許該地方協拏解部移送府道究處申禁甚明則知各鎮自無漏稅之客貨自無煩差役之稽查請乞批示勒石等因具詳奉批前因合行勒石示禁爲此仰地方人等知悉凡遇港役及白拉越詐許卽擒拏解道轉解本部院按律懲治嗣後關役永不許越境生事如違一體治罪不貸

禮部主事陳常夏禁白拉越詐示碑畧

康熙十二年

督理濟墅鈔關禮部陳爲憲禁已勒千秋等事據無錫縣申文內開高魯堰橋鎮居民范陸瑞等呈稱瑞等住居高

魯堰橋石撞等處俱屬江錫隔界地方絕非南北通津所有日用花米布疋等船或從武進之璜林戚墅堰東行或從本邑之高橋三里橋進口與柏瀆轉水二港遠不相及不料有快船直入鄉邨遍查伏乞申請關部給示禁緝等情控縣據實直陳等因到部據此爲照本關恐有支河越漏是以責成港差稽察至高魯堰橋石撞地方旣非越關私道土產又非商販豈容白拉巡擾合行嚴禁爲此仰地方人等嗣後如有白拉駕船詐擾者協拏解部重究不貸

督糧道劉鼎奉督撫部院嚴禁白拉詐擾示碑畧

康熙二十

督糧道劉爲再陳白拉擾民之害等事奉總督部院于批
詳白拉假冒巡查擾害地方深屬不法嗣後如越界生事
者無論真偽卽行拏解以憑從重究治如詳勒石永禁可
也先於康熙二十一年五月奉撫院余批江陰無錫兩縣
鄉民劉思忠范元緒等呈刊禁轉水港口又先於康熙二
十一年三月奉督院阿批詳於關志額定之所勒石嚴禁
如有越界擾民者擒解本部院按光棍律重處須至碑者
理藩院郎中伊道禁白拉越詐示碑畧康熙一十九年
督理濟墅鈔關理藩院伊爲嚴白拉冒關巡擾以安民生
事據江陰縣士民劉爾鼎等呈稱錫邑高橋係江邑出路

華墅等鎮居民買辦日用必過橋下遭白拉蠹棍駕雙櫓
快船詭稱巡查潛泊四河鎮見有船隻屢爲搶詐部憲蒞
任悉照三司八港舊制稽查但無碑文不能垂久乞勅示
嚴禁豎立高橋四河鎮續在關志等情前來據此照得白
拉爲害久已訪聞倘有仍駕雙櫓快船在四河鎮高橋一
帶假冒關差遇有鄉民載運土產搶奪炙詐許協擒解部

處死不貸

按明季江陰知縣岑之豹申詳撫按革除江陰黃出港魚稅港口既革青陽石撞等處不稽

查本朝督撫司道關部禁碑載入關志其撫院馬祐守道安世鼎無錫知縣曾子駒碑記事複文繁不及備載

大渲港

在無錫縣直通太湖與下埠各港俱有提湖船在湖剝貨向經嚴禁

下埠港

在武進縣地濱太湖與烏溪同禁

烏溪港在宜興縣出口四十五里到湖州與定化雙橋呂瀆衛瀆等港瀆湖險遠漏越者莫能禁止久經壩禁

已上八港烏溪港明季壩禁木瀆港

本朝專責巡檢司其堰橋青暘石撞璜塘寺頭等鎮因在轉水

港北例禁白拉查擾六港照舊設役看守如有漏越等弊卽

拏人船到關依例治罪蠡口至常熟熟至江陰有優免船油船往來爲虧課弊康熙十五年

工部主事高璜禁止

澚墅關筦轄三橋

竹青塘橋在關北稽查北來船隻

張家橋在關南稽查南來船隻

龍華橋在關東內通長蕩與竹青張家兩橋一體稽查

澚墅關志

卷四

二十一

已上三橋設柵夫看守作弊按律治罪

澚墅關筦轄沿海四港

吳淞港在嘉定縣

舊例澚墅關委官役在上海小東門發單上料順治初卽

嚴海禁至十三年片版不容入海舊例遂停康熙二十三

年海禁漸弛許民入海貿易

劉河港在太倉州

舊例澚墅關委官役在劉河所發單上料貨船較吳淞爲

多順治初卽嚴海禁至十三年片版不容入海舊例遂停

康熙二十三年海禁漸弛許民入海貿易

白茆港

在常熟縣

舊例澚墅關委官役照劉河事例在彼處發單上料明季本港淤塞幾成平陸至康熙二十年巡撫都御史慕天顏奏請開濬如舊可通貨艘

福山港

在常熟縣

舊例澚墅關或委官吏或委巡司一俟海船到日卽令剝船裝載貨物發單赴關上料北有徐六涇鹿苑西洋三口俱係福山支港徐六涇舊設攢典一名鹿苑西洋各設埠頭一名自海禁森嚴與吳淞劉河一例壩禁通泰等船不得入港剝載止有內地小船赴福山上料者名曰走單弊

澚墅關志

卷四

二十三

端滋起嗣後罷復不常康熙二十年任家港至福山港設官渡裝貨員外郎鶚屯呈部收料二十三年海禁漸弛海船貨物澚墅關照舊發單上料

已上四港設於萬曆初年相沿已久主事王之都李縉徵圖說則例載在舊志歷歷可考自順治初年海氛未靖卽嚴海禁十三年片版不容入海其法愈嚴四港通禁康熙二十三年海禁已弛許民入海貿易

巡船二隻名曰紅船明嘉靖二十二年主事董子策建置以防轉越今仍舊制

謹按三司八港本關三橋沿海四港皆舊制也烏溪之壩以

地險也木瀆之禁以地僻也其他各港設守設巡如故無錫
江陰常熟各縣俱有督撫憲示止禁白拉越詐土產非許奸
民漏越客貨也止禁運河村鎮不得違例詐擾非許轉越徑
路竟得載貨往來也即如長洲縣之吳埭無錫縣之轉水柏
瀆常熟 陳墅皆漏稅要區設關二百四十餘年未
嘗不用巡稽但不許深入內地以于憲禁常熟縣同有董筭
二稅康熙二十一
年主事長命奉總督都御
史于成龍行查盡行除豁